

後漢書

帝紀

三

和帝紀第四

范曄

後漢書四

孝和皇帝諱肇

蓋法曰不剛不柔曰和伏侯

音非臣賢案許慎說文肇音大可反上諱也但伏侯許慎並漢時人而帝諱不同蓋應別

有所據肅宗第四子也母梁貴人為竇皇后所

譖憂卒竇后養帝以為己子建初七年立為

皇太子章和二年二月壬辰即皇帝位年十

歲尊皇后曰皇太后太后臨朝三月丁酉改

淮陽為陳國今陳楚郡為彭城國今徐西平

并汝南郡西平縣故柏子國也在六安復為



廬江郡中今廬州廬江縣西故舒城是遺詔徙西平王羨為

陳王六安王恭為彭城王癸卯葬孝章皇帝

于敬陵注在洛陽城東南三百步高六丈二尺庚戌

皇太后詔曰先帝以明聖奉承祖宗至德要

道天下清靜庶事咸寧今皇帝以幼年瑩瑩

在疚疚病也瑩瑩然在憂病之中也朕且佐

助聽政外有大國賢王並為蕃屏內有公卿

大夫統理本朝恭已受成夫何憂哉孔子曰

我恭已正南面而已尚然守之之際必有內

輔以參聽斷侍中憲朕之元兇行能兼備忠

孝尤篤先帝所器親受貴詔當以舊典輔斯

職焉憲固執謙讓節不可奪今供養兩宮兩

謂帝宮宿衛左右厥事已重亦不可復勞以

政事故太尉鄧彪元功之族三讓彌高元功

密侯禹也彪父邯中興初有功封鄴侯父卒

彪讓國異母弟鳳論語孔子曰太伯三以天

下讓民無得而稱焉鄭玄注云太伯周大王

之長子欲讓其弟季歷大王有疾太伯因適

吳越採藥大王薨而不返季歷為喪主一讓

也季歷赴之不來奔喪二讓也終喪之後遂

逝髮文身三讓也彪讓封弟海內歸仁為群

賢首先帝寤表欲以崇化今彪聰明康彊可

謂老成黃耆矣老成言老而有成德也詩大雅曰雖為老成人黃耆謂後落

更生黃耆者耆亦老也詩序曰外尊事黃耆其以彪為太傅賜爵關

內侯錄尚書事百官總已以聽古者君在諫聞百官總已

之職事以聽於冢宰錄尚書事則冢宰之任也朕庶幾得專心內位

於戲群公其勉率百僚各修厥職愛養元元

綏以中和稱朕意焉辛酉有司上奏孝章皇

帝崇弘鴻業德化普洽垂意黎民留念稼穡

文加殊俗武暢方表戒惟人面無思不服魏

魏蕩蕩苴與比隆魏魏乎其有成功蕩蕩乎人無能名焉孔子表帝堯

之詞見論語周頌曰於穆清廟肅雝顯相肅廟文

於穆歎美之詞言助祭者禮儀敬且和也請上尊廟曰肅宗共進

武德之舞制曰可癸亥陳王羨彭城王恭樂

成王黨下邳王衍梁王暢始就國建初二年章帝不忍

與諸王乖離皆留京師令遣之國夏四月丙子謁高廟丁丑

謁世祖廟戊寅詔曰昔孝武皇帝致誅胡越

故權收鹽鐵之利武帝使子僅東郭咸陽乘傳舉行天下鹽鐵作官府

牧利私家更不以奉師旅之費自中興以來

匈奴未賓。求平末年復修征伐。先帝即位。務
休力役。然猶深思遠慮。安不忘危。探觀舊典。
復收鹽鐵。欲以防備。不虞寧安邊境。而吏多
不良。動失其便。以違上意。先帝恨之。故遺戒
郡國。罷鹽鐵之禁。縱民煮鑄。入稅縣官。如故
事。前書音義曰。縣官謂天子。其申勅刺史二千石。奉順聖
旨。勉弘德化。布告天下。使明知朕意。五月。京
師旱。詔長樂少府桓郁待講禁中。長樂宮之少府也。郁
桓榮子也。冬十月乙亥。以待中竇憲為車騎將軍。

紀
伐北匈奴。安息國遣使獻師子。扶拔。扶拔。解

求元元年春三月甲辰。初。令郎官詔除者得

占丞尉。以比秩為真。漢官儀曰。羽林郎出補三百石丞尉。自占丞尉。

小縣丞尉三百石。其次四百石。比秩為真。皆所以優之。○劉放曰。案文云。丞尉小縣二百石。其次四百石。已足。不當更有丞尉字。夏六月。車騎將軍竇憲

出雞鹿塞。今在朔方寧澤縣北。闕駟十三州志云。寧澤縣有大道西北出雞鹿

塞。○緜音度遼將軍鄧鴻出柶陽塞。柶陽。屬九原

羊主反。南單于出滿夷谷。滿夷。谷關

城縣界。○柶音固。

與北匈奴戰于稽落山大破之追至鞬漠北
 鞬海竇憲遂登燕然山刻石勒功而還北單
 于遣弟右温禺鞬王○鞬音反奉奏貢獻秋七
 月乙未會稽山崩閏月丙子詔曰匈奴背叛
 為害久遠賴祖宗之靈師克有捷醜虜破碎
 遂掃厥庭詩曰仍執醜虜庭謂單于所常居也役不再籍猶言不籍
 再舉萬里清蕩非朕小子眇身所能尅堪有司
 其案舊典告類薦功以章休烈類祭天也書曰類于上帝
 薦進也以功進告於天九月庚申以車騎將軍竇憲為

大將軍以中郎將劉尚為車騎將軍冬十月

令郡國弛刑輸作軍營其徙出塞者○劉放

徙者不可投之塞外刑雖未竟皆免歸田里○劉放

庚子阜陵王延薨是歲郡國九大水○劉放

二年春正月丁丑大赦天下二月壬午日有

食之東觀記曰史官不覺河郡言之巳亥復置西河上郡屢

國都尉官前書西河郡兼樓縣上郡龜茲縣

三州志曰典屬國武帝置掌納匈奴降者也哀帝省并大鴻臚故今復置之夏五

月庚戌分太山為濟北國分樂成涿郡勃海

為河開國丙辰封皇帝弟壽為濟北王開為
河開王淑為城陽王紹封故淮陽王昺子側
為常山王賜公卿已下至佐史錢布各有差
已未遣副校尉閻贛討北匈奴取伊吾廬地
丁卯紹封故齊王晃子無忌為齊王北海王
睦子威為北海王車師前後王並遣子入侍
甲師有後王前王前王即後
季之子其庭相去五百里月氏國遣兵攻
西域長史班超超擊降之六月辛卯中山王
焉薨秋七月乙卯大將軍竇憲出屯涼州九

月北匈奴遣使稱臣冬十月遣行中郎將班

固報命南單于遣左谷蠡王師子左谷蠡匈奴王號師

其各也○谷出雞鹿塞擊北匈奴於河雲

北大破之

三年春正月甲子皇帝加元服元首也謂加冠者先筮日後筮賓東觀記曰時賜諸侯王

太后詔表安為賓賜東帛乘馬賜諸侯王

公將軍特進漢官儀曰諸侯功德優盛朝廷所敬異者賜特進在三公下

中二千石列侯宗室子孫在京師奉朝請者

黃金奉朝請無負三公外戚宗室諸侯將大

夫郎吏從官帛

將謂五官及左右郎將也大夫謂光祿太中中散議大夫也十三州志曰大夫皆掌顧問應對

言議夫之言扶也言能扶持君父也

賜民

爵及粟帛各有差大酺五日郡國中都官繫

囚死罪贖縑至司寇作及亡命各有差庚辰

賜京師民酺布兩戶共一匹二月大將軍竇

憲遣左校尉耿夔出居延塞

居延縣屬張掖郡居延澤在東

北武帝使伏波將軍路博德築遮虜障於居延城

圍北單于於金微

山大破之獲其母閼氏

閼氏匈奴右之號也音馬支

夏六

月辛卯尊太后母比陽公主

東海恭王疆女

為長公

主辛丑阜陵王种薨

阜陵王延之子

冬十月癸未行

幸長安詔曰北狄破滅名王仍降

仍頻

西域

諸國納質內附豈非祖宗迪拓重光之鴻烈

與迪蹈也言由祖宗蹈履明智有重光累聖與之德成此大業也書曰茲四人迪哲又曰

宣重寤寐歎息想望舊京其賜所適二千石

長吏以下及三老官屬錢帛各有差鰥寡孤

獨鳶癯貧不能自存者粟人三斛十一月癸

卯祠高廟遂有事十一陵詔曰高祖功臣蕭

曹為首有傳世不絕之義曹相國後容城侯

不緯文章強心
凡吹吸万物強
盈也依盛長封
有功

無嗣朕望長陵東門見二臣之壙東觀記曰

長陵東司馬門道北百步廟記云循其遠節

每有感焉忠義獲寵古今所同可遣使者以

中牢祠大鴻臚求近親宜為嗣者須景風紹

封以章厥功續漢志曰大鴻臚掌封拜諸侯

十五日景風至十二月復置西域都護騎都

射戊巳校尉官劉敞曰案西域傳此時庚

辰至自長安減弛刑徒從駕者刑五月

四年春正月北匈奴右谷蠡王於除鞬自立

為單于款塞乞降於除鞬其名也遣大將軍

左校尉耿夔授璽綬東觀記曰賜王具劍羽

衛護三月癸丑司徒袁安薨閏月丁丑太常

丁鴻為司徒夏四月丙辰大將軍竇憲還至

京師六月戊戌朔日有食之丙辰郡國十三

地震竇憲潛圖弒逆庚申幸北宮詔收憲黨

射聲校尉郭璜郭況子也東觀記璜子侍中

舉衛尉鄧疊疊弟步兵校尉磊皆下獄死使

謁者僕射續漢書曰謁者僕射一人秩千石

也。收憲大將軍印綬，遣憲及笏篤景就國。到皆自殺。是夏旱蝗，秋七月己丑，太尉宋由坐黨憲自殺。八月辛亥，司空任隗薨。任光子也。癸丑，大司農尹睦為太尉，錄尚書事。錄謂總領之也。錄尚書自年制始也。丁巳，賜公卿以下至佐史錢穀，各有差。冬十月己亥，宗正劉方為司空。十二月壬辰，詔今年郡國秋稼為旱蝗所傷，其什四以上勿收田租，芻藁有不滿者以實除之。所損十者以見，不滿四損除也。武陵零陵澧中蠻叛，燒當羌寇金城。

五年春正月乙亥，宗祀五帝於明堂，遂登靈

臺望雲物，大赦天下。戊子，千乘王仇薨。辛卯

封皇笏萬歲為廣宗王。廣宗縣名，今貝州宗城縣。隋煬帝諱廣，故

改為宗城。二月戊戌，詔有司省減內外廐及梁州

諸苑馬。說文曰：廐，馬舍也。漢官儀曰：未央大廐長樂承華等廐，令皆秩六百石。又

云：牧師諸苑六十六所，分置西北邊，分養馬三十萬頭。自京師離宮果

園上林廣成圃悉以假貧民，恣得采捕，不收

其稅。丁未，詔曰：去年秋麥入少，恐民食不足

其上，尤貧不能自給者，戶口入數往者，郡國

上貧民以衣履釜鬻為貲而豪右得其饒利

楚南音尋方言曰甑自關而東謂之楚甑貧人既計釜甑以為資財懼於役重多即賣之以避

科稅豪富之家乘賤買故得其饒利詔書實覈說文云覈考實事也欲有

以益之而長吏不能躬親反更徵召會聚令

失農作愁擾百姓若復有犯者二千石先坐

甲寅太傅鄧彪薨戊午隴西地震三月戊子

詔曰選舉良才為政之本科別行能必由鄉

曲周禮鄉大夫掌其鄉之政教考其德而郡行察其道藝三年而舉賢能者於王而郡

國舉吏不加簡擇故先帝明勅在所全試之

以職乃得充選

漢官儀曰建初六年十二月己未詔書辟士四科一曰德

行高妙志節清白二曰經明行修能任博士

三曰明曉法律足以決疑能案章覆問文任

御史四曰剛毅多略遭事不惑明足照姦勇

足決斷才任三輔令皆存孝悌清公之行自

今以後審四科辟召及刺史二千石察舉茂

才尤異孝廉廉吏務實校試以職有非其人

不習曹事正舉者又德行尤異不須經職者

別署狀上而宣布以來出入九年二千石曾

不承奉恣心從好司隸刺史訖無糾察訖也今新蒙赦令且復申勅後有犯者顯明其罰

也。非獨州郡也。是以庶宮多非其人。下民被
 姦邪之傷。由法不行故也。庚寅遣使者分行
 貧民舉實流冗。冗散也。流散者舉案其實而給之。開倉賑稟
 三十餘郡。夏四月壬子封阜陵王。种兄魴為
 阜陵王。种無嗣故以魴襲也。六月丁酉郡國三雨雹。東
記曰大如鴈子秋九月辛酉廣宗王萬歲薨無子國
 除匈奴單于於除韃叛遣中郎將任尚討滅
 之壬午令郡縣勸民蓄蔬食以助五穀。蓄積也。
 其官有陂池令得采取勿收假稅二歲。假猶租賃

冬十月辛未太尉尹睦薨

漢官儀曰睦字伯師犍人

十一

月乙丑太僕張酺為太尉是歲武陵郡兵破
 叛蠻降之護羌校尉貫友討燒當羌羌乃遁
 去南單于安國叛骨都侯喜斬之

六年春正月末昌徵外夷遣使譯獻犀牛大
 象己卯司徒丁鴻薨二月乙未遣謁者分行

稟貸三河兗冀青州貧民許侯馬光自殺。東觀

記曰光前坐黨附竇憲歸國為憲客奴所誣告乃自殺

丁未司空劉方

為司徒太常張奮為司空三月庚寅詔流民

所過郡國皆實稟之其有販賣者勿出租稅

漢循周法商賈有稅又欲就賤還歸者復一

歲田租更賦音福丙寅詔曰朕以眇末奉承

鴻烈陰陽不和旱違度濟河之域凶饉流

亡尚書曰濟河惟兗州言而末獲忠言至謀

所以匡救之策寤寐求歎用思孔疚孔甚也

詩云憂惟官人不得於上黎民不安於下有

司不念寬和而競為苛刻覆案不急以妨民

事不急謂甚非所以上當天心下濟元元也

思得忠良之士以輔朕之不逮其令三公中

二千石二千石內郡守相舉賢良方正能直

言極諫之士各一人昭嚴穴披幽隱遣詣公

車前書音義曰公車署名也公車所在故以

殿門諸上書詣闕下者皆集朕將悉聽焉帝

乃親臨策問選補郎吏夏四月蜀郡徵外羌

率種人遣使內附五月城陽王淑薨無子國

除章帝六月己酉初令伏閉畫日漢官舊儀

鬼行故畫日秋七月京師旱詔中都官徙各

除半刑謫其未竟五月已下皆免遣丁巳辛

洛陽寺寺官舍也風俗通云寺嗣錄囚徒舉

冤獄牧洛陽令下獄抵罪司隸校尉河南尹

皆左降未及還宮而澍雨西域都護班超大

破焉耆尉犁斬其王自是西域降服納質者

五十餘國南單于安國從弟子逢侯率叛胡

亡出塞九月癸丑以光祿勳鄧鴻行車騎將

軍事與越騎校尉馮柱行度遼將軍朱徽

徵日案文使匈奴中郎將杜崇討之冬一十

月護烏桓校尉任尚率烏桓鮮卑大破逢侯

闕駟十三州志曰護烏桓擁節秩比二千石

武帝置以護內附烏桓既而并於匈奴中郎

將中興初班彪上言宜復此馮柱遣兵追擊

復之劉放日案詔以渤海郡屬冀州武陵

遼中蠻叛郡兵討平之

七年春正月行車騎將軍鄧鴻劉放日案

度遼將軍朱徽中郎將杜崇皆下獄死南持

單于安國與崇不相平乃上書告崇崇令斷

其章錄此驚叛安國卒見殺帝後知之皆徵
下夏四月辛亥朔日有食之帝引見公卿問

得失今將大夫御史謁者博士議郎郎官會

廷中各言封事十三州志曰侍御史周官即

行糾諸不法負十五人出有所案則稱使者

焉謁者秦官也負七十人皆選孝廉年未五

十曉解濱賢者歲盡拜縣令長史及都官府

丞長史博士秦官博通古今秩皆六百石孝

武初置五經博士後稍增至十四負取聰明

威重一人為祭酒主領焉議郎郎官皆秦官

也冗無所掌秩六百石或四百石○劉歆曰

注歲盡拜縣令長史及都官府丞長史案文

多一史字若是王國長史則當并守丞言詔

之明此但是令長耳下文又自有長史也言

曰元首不明化流無良政失於民謫見于天

謫譴也責也禮曰湯事不深惟庶事五教在

得謫見于天日為之食

寬是以舊典因孝廉之舉以求其人光帝元

董仲舒初開其議詔有司詳選郎官寬博有

謀才任典城者三十人音仁林反既而悉以

所選郎出補長相長縣長相侯相也十三州

漢書

卷一百一

秩隨令長才秩五月辛卯改千乘國為樂安國千乘

在今淄州高苑縣北樂安六月丙寅沛王定

故城在今青州博昌縣南薨秋七月乙巳易陽地裂易陽縣在易水

月癸卯京師地震

八年春二月己丑立貴人陰氏為皇后賜天

下男子爵人二級三老孝悌力田三級民無
名數及流民欲占者一級鰥寡孤獨篤癯貧
不能自存者粟人五斛夏四月癸亥樂成王
黨薨甲子詔賑貸并州四郡貧民五月河內
陳留蝗南匈奴右温禺犢王叛為寇秋七月
行度遼將軍龐奮○劉放曰亦少一事字九年行征西將軍劉尚下亦
同越騎校尉馬柱追討之斬右温禺犢王車
師後王叛擊其前王八月辛酉飲酎詔郡國
中都官繫囚減死一等詣敦煌戍其犯大逆

募下蠶室其女子宮自死罪已下至司寇作
及亡命者入贖各有差九月京師蝗吏民言
事者多歸責有司詔曰蝗蟲之異殆不虛生

禮記月令曰孟夏行春令則蝗蟲為災
洪範五行傳曰貪利傷人則蝗蟲損稼萬方

有罪在予一人而言事者尊咎自下非助我
者也朕寤寐恫矜思弭憂釁尚書曰恫矜乃

恫痛也矜病也言如痛病在身
身欲除之也○矜音古頑反昔楚嚴無災而

懼解見成王出郊而反風成王疑周公天乃

乃出郊祭天乃反何以匡朕不逮以塞災變

百僚師尹勉修厥職刺史二千石詳刑辟理

寬虐恤鰥寡矜孤弱思惟致災興蝗之咎庚

子復置廣陽郡高帝時燕國也昭帝元鳳元年為廣陽郡宣帝本始元年

更為國也冬十月乙丑北海王威有罪自殺北海郡今

青列十二月辛亥陳王羨薨丁巳南宮宣室

殿火

九年春正月永昌徼外蠻夷及掸國重譯奉

貢○掸音擅東觀記作擅俗本以禪字相類也或作禪者誤也說文曰譯傳四夷之語

也三月庚辰隴西地震癸巳濟南王康薨西

域長史王林擊車師後王斬之夏四月丁卯

封樂成王黨子巡為樂成王六月蝗旱戊辰

詔今年秋稼為蝗蟲所傷皆勿收租更芻橐

若有所損失以實除之餘當收租者亦半入

其山林饒利陂池漁採以贍元元勿收假稅

秋七月蝗蟲飛過京師八月鮮卑寇肥如肥

縣屬遼西郡前書音義曰肥遼東太守祭參

下獄死東觀記曰鮮卑千餘騎攻肥如城閏

月辛巳皇太后竇氏崩丙申葬章德皇后燒

子奔燕封於此今平州也

殺畧吏入祭參坐沮敗下獄誅

當羌寇隴西殺長吏遣行征西將軍劉尚越
騎校尉趙世等討破之九月庚申司徒劉方
策免自殺甲子追尊皇妣梁貴人為皇太后
冬十月乙酉改葬恭懷梁皇后于西陵謚法
德義容曰恭執義揚善曰懷東觀記曰改殯
承光宮儀北敬園初后葬有闕竇后崩後乃
議改葬十一月癸卯光祿勳河南呂蓋為司徒
蓋字君玉宛陵人也十二月丙寅司空張奮罷壬申太
僕韓稜為司空己丑復置若廬獄官前書曰
屬少府漢舊儀曰
主鞠將相大臣也

十年春三月壬戌詔曰隄防溝渠所以順助

地理通利壅塞禮記月令曰季春之月修利

有障今廢慢懈弛不以為負之刺史二千石其

隨宜䟽導勿因緣妄發以為煩擾將顯行其

罰夏五月京師大水東觀記曰京師大雨南

廬舍秋七月己巳司空韓稜薨八月丙子太常

太山巢堪為司空堪字次朗太九月庚戌復

置廩犧官漢官儀曰廩犧令冬十月五列雨

水十二月燒當羌豪迷唐等率種人詣闕貢

獻戊寅梁王暢薨

十一年春二月遣使循行郡國稟貸被災害不能自存者令得漁采山林池澤不収假稅丙午詔郡國中郡官徒及篤癯老小女徒各除半刑其未竟三月者皆免歸田里夏四月丙寅大赦天下已巳復置右校尉官東觀記曰置在西河鵠澤縣秋七月辛卯詔曰吏民踰僭厚死傷生是以舊令節之制度頃者貴戚近親百僚師尹莫有率從有司不舉怠放日甚又商賈

小民或忘法禁竒巧靡貨流積公行其在位犯者當先舉正市道小民但且申明憲網勿因科令加虐羸弱

十二年春二月旄牛徼外白狼獠薄夷率種

入內屬關駟十三州志曰旄牛縣屬蜀郡前書曰旄牛所出歲貢其尾以為飾鬣

詔貸被災諸郡民種糧賜下貧鰥寡孤獨不

能自存者及郡國流民聽入陂池漁采以助

蔬食三月丙申詔曰比年不登百姓虛匱匱乏

也京師去冬無宿雪以其經冬故言宿也今春無澍雨

黎民流離困於道路朕痛心疾首靡知所濟

瞻仰昊天何辜今人詩大雅周宣王遇旱之詩言今人何罪而天令

乎飢饉三公朕之腹心而未獲承天安民之策

數詔有司務擇良吏今猶不改競為苛暴侵

愁小民以求虛名委任下吏假勢行邪是以

令下而姦生禁至而詐起董仲舒曰法出而姦生令下而詐起

巧法析律節文增辭禮記王制曰析言破律也貨行於言

罪成乎手朕甚病焉公卿不思助明好惡將

何以救其咎罰咎罰既至復令災及小民若

善師古曰分也
飾

上下同心庶或有瘳其賜天下男子爵人二

級三老孝悌力田三級民無名數及流民欲

占者人一級鰥寡孤獨篤癯貧不能自存者

粟人三斛王子賜博士負弟子在太學者布

入三匹武帝時置博士弟子太常擇人年十

八以上儀狀端正者補焉昭帝增負滿百人宣帝倍之元帝更設

夏四月日南象林蠻夷反象林縣屬日南郡今鬱林州郡兵討破之閏月

賑貸敦煌張掖五原民下貧者穀戊辰秭歸

山崩秭歸縣屬南郡古之夔國今歸州也袁崧曰屈原此縣人既被流放忽然斃歸

其姊亦來因名其地為姊歸姊亦姊也東觀
記曰姊歸山高四百餘丈崩填谿水壓殺百
餘人六月舞陽大水賜被水災尤貧者穀入三
斛秋七月辛亥朔日有食之九月戊午太尉
張酺免丙寅大司農張禹為太尉冬十一月
西域蒙奇兜勒二國遣使內附賜其王金印
紫綬是歲燒當羌復叛

十三年春正月丁丑帝幸東觀覽書林閱篇
籍博選術藝之士以充其官二月任城王尚
薨丙午賑貸張掖居延朔方日南貧民及孤

寡羸弱不能自存者秋八月詔家林民失農

桑業者賑貸種糧稟賜下貧穀食已亥北宮

盛饌門閣火護羌校尉周鮪擊燒當羌破之

荊州雨水九月壬子詔曰荊州比歲不節今

茲滂水為害淮南子曰女媧積蘆灰以止淫水高誘注云平地出水為淫水

餘雖頗登而多不均浹深惟四民農食之本

慘然懷矜其令天下半入今年田租芻橐有

宜以實除者如故事貧民假種食皆勿收責

冬十一月安息國遣使獻師子及條枝大爵

西域傳曰安息國居和犢城去洛陽二萬五千里脩枝國臨西海出帥子大雀郭義恭廣志曰大爵頊及身膺蹄都似橐駝舉頭高八九尺張翹文餘食大麥其卵如甕卽今之駝也鳥丙辰詔曰幽并涼州戶口率少邊役衆劇東脩良吏進仕路狹撫接夷狄以入爲本其令緣邊郡口十萬以上歲舉孝廉一人不滿十萬二歲舉一人五萬以下三歲舉一人鮮卑寇右北平遂入漁陽漁陽太守擊破之戊辰司徒呂蓋罷十二月丁丑光祿勳魯恭爲司徒辛卯巫蠻叛寇南郡巫縣屬南郡故城在今夔州巫山縣

也

十四年春二月乙卯東海王政薨繕脩故西

海郡平帝時金城塞外羗獻地以爲西海郡也光武建武中省金城入隴西郡至是

復繕脩之金城徙金城西部都尉以戍之三

月戊辰臨辟雍饗射大赦天下夏四月遣使

者督荊州兵討巫蠻破降之庚辰賑貸張掖

居延敦煌五原漢陽會稽流民下貧穀各有

差五月丁未初置象林將兵長史官闕駟十

日將兵長史居在日南郡又有將六月辛卯

廢皇后陰氏，后父特進綱自殺。秋七月甲寅，詔復象林縣，更賦田租芻橐二歲。壬子，常山王側薨。是秋三刈，雨水。冬十月甲申，詔充豫、荆、州。今年水雨淫過多，傷農功，其令被害什四以上，皆半入田租。芻橐其不滿者，以實除之。辛卯，立貴人鄧氏為皇后。丁酉，司空巢堪罷。十一月癸卯，大司農徐防為司空。是歲初復郡國，上計補郎官。上計，今計吏也。前漢音義曰：舊制使郡丞奉歲計，武帝元朔中，令郡國舉孝廉各一人，與計偕，拜為郎中。中廢，今復之。

十五年春，閏月乙未，詔流民欲歸還本而無

糧食者，適所實稟之，疾病加，致醫藥，其不欲

還歸者，勿強。二月，詔稟貸潁川、汝南、陳留、江

夏、梁國、敦煌貧民。前書音義曰：陳留，本鄭邑也。後為陳所并，故曰陳留。

今汴州縣也。江夏郡，高帝置，沔水自江別至南郡華容，為夏水，過郡入江，故曰江夏。

四月甲子晦，日有食之。五月戊寅，南陽大風。

六月，詔令百姓鰥寡漁采陂池，勿收假稅。二

歲秋七月丙寅，濟南王錯薨。錯音七，故反。復置涿

郡故鹽鐵官。續漢書曰：其郡縣有鹽官、鐵官者，隨事廣狹，置令長及丞。秩

次皆如 九月壬午南巡狩清河王慶濟北王

壽河開王開並從賜所過二千石長吏以下

三老官屬及民百年者錢布各有差是秋四

州雨水冬十月戊申幸章陵祠舊宅癸丑祠

園廟會宗室於舊廬勞賜作樂戊午進幸雲

夢臨漢水而還雲夢今安州縣也十一月甲

申車駕還宮賜從臣及留者公卿以下錢布

各有差十二月庚子琅邪王宇薨有司奏以

禮記

曰孟夏之月靡草死麥秋至浙薄刑決小罪
鄭玄注云靡草薺亭歷之屬臣賢案五月一
陰爻生可以言微陰今月令云孟夏乃是歲
是純陽之月此言夏至者與月令不同

初令郡國以日北至案薄刑至

十六年春正月己卯詔貧民有田業而以匱

乏不能自農者貸種糧二月己未詔充豫徐

冀四列比年雨多傷稼禁沽酒夏四月遣三

府掾分行四州貧民無以耕者為雇犂牛直

五月壬午趙王商薨秋七月旱戊午詔曰今

秋稼方穗而旱雲雨不霑疑吏行慘刻不宜

恩澤妄拘無罪幽閉良善所致其一切囚徒

於法疑者勿決以奉秋令禮記月令曰孟秋

制繕圖圍具桎梏方察煩苛之吏顯明其罰

辛酉司徒魯恭免庚午光祿勳張酺為司徒

辛巳詔令天下皆半入今年田租芻藁其被

灾害者以實除之貧民受貸種糧及田租芻

藁皆勿收責八月己酉司徒張酺薨冬十月

辛卯司空徐防為司徒大鴻臚陳寵為司空

十一月己丑行幸緱氏登百岨山即栢岨山也

緱氏縣南爾雅云山一成曰岨東觀記作岨並音平眉反流俗李或作杯者誤也賜

百官從臣布各有差北匈奴遣使稱臣貢獻

十二月復置遼東西部都尉官西部都尉安帝時以為屬

國都尉在遼東郡昌黎城也

元興元年春正月戊午引三署郎召見禁中

漢官儀三署謂五官署也左右署也各置中郎將以司之郡國舉孝廉以補三署郎年五

十以上屬五官其次分在左右置凡有中郎議郎侍郎郎中四等無負禁中者門戶有禁

非侍御者不得入故謂禁中選除七十五人補謁者長相

高句驪寇郡界夏四月庚午大赦天下改元

元興宗室以罪絕者悉復屬籍五月癸酉雍

地裂東觀記曰右扶風雍地裂秋九月遼東

太守耿夔擊貊人破之冬十二月辛未帝崩

于章德前殿年二十七立皇子隆為皇太子

賜天下男子爵人二級三老孝悌力田人三

級民無名數及流民欲占者人一級鰥寡孤

獨篤癯貧不能自存者粟人三斛自竇憲誅

後帝躬親萬機每有災異輒延問公卿極言

得失前後符瑞八十一所自稱德薄皆抑而

不宜舊南海獻龍眼荔枝十里一置五里一

候南海郡秦置今廣列縣也廣雅曰益智龍

而小廣州記曰子以荔枝而圓七月熟荔枝

樹高五六丈大如桂樹實如雞子甘而多汁

似安石榴有甜醋者至日禺中奔騰阻險死

者繼路時臨武長汝南唐羌縣接南海臨武

本以薦奉宗廟苟有傷害豈愛民之本其勅

太官勿復受獻由是遂省焉謝承書曰唐羌

補臨武長縣接交州舊獻龍眼荔枝及生鮮

淮南子曰出于陽
合于衡陽是謂
陽中云云
集二詳之
類亦作焉
中近午也焉
中已時也

什死亡不絕道經臨武羗乃上書諫曰臣聞
上不以滋味為德下不以真膳為功故天子
食太牢為尊不以果實為珍伏見交阯七郡
獻生龍眼等鳥驚風發南州土地惡蟲猛獸
不絕於路至於觸犯死亡之害死者不可復
生來者猶可救也此二物升殿未必延年益
壽帝從之章報羗即弃官還家
不應徵召著唐子三十餘篇

論曰自中興以後逮于永元雖頗有弛張而
俱存不擾是以齊民歲增關土世廣齊中偏

師出塞則漢北地空都護西指則通譯四萬
西域傳曰班超定西域五十餘國皆
降服西至海瀕四萬里皆重譯貢獻豈其道

遠三代術長前世將服叛去來自有數也

孝殤皇帝諱隆蓋法曰短折不成曰殤和帝

少子也元興元年十二月辛未夜即皇帝位

時誕育百餘日誕大也詩大雅誕彌厥月先
生如達鄭玄注云大矣后稷

之在其母懷也終人道十月而生詩
又云載生載育育長也達音宅未反尊皇后

曰皇太后太后臨朝儀見皇
帝紀北匈奴遣使稱

臣詣敦煌奉獻

延平元年春正月辛卯太尉張禹為太傅司

徒徐防為太尉參錄尚書事百官總已以聽

封皇兄勝為平原王癸卯光祿勳梁鮪為司

徒漢官儀曰輔字伯三月甲申葬孝和皇帝

于慎陵在洛陽東南三十里俗本作慎者誤尊廟曰穆宗丙戌

清河王慶濟北王壽河間王開常山王章始

就國夏四月庚申詔罷祀官不在祀典者東觀

記曰鄧太后雅性不好淫祀鮮卑寇漁陽太守張顯

追擊戰沒丙寅以虎賁中郎將鄧騭為車騎

將軍司空陳寵薨五月辛卯皇太后詔曰皇

帝幼冲承統鴻業朕且權佐助聽政兢兢寅

畏寅敬也不知所濟深惟至治之本道化在前

八史略三隱音變
又案新唐書
見隋代胡三省
通鑑瑞帝紀
隱音職日及

禮

刑罰在後將稽中和廣施慶惠與吏民更始

其大赦天下自建武以來諸犯禁錮詔書雖

解有司持重多不奉行其皆復為平民壬辰

河東垣山崩垣縣今絳州縣也古今注曰山崩長七丈廣四丈六月

丁未太常尹勤為司空郡國三十七雨水已

未詔曰自夏以來陰雨過節燠氣不效效猶驗也

將有厥咎寤寐憂惶未知所由昔夏后惡衣

服菲飲食孔子曰吾無閒然菲薄也閒非也今新遭

大憂且歲節未和徹膳損服庶有補焉其減

乃管友說文
四本作燠或
作暖燠

論語泰伯篇

太官導官尚方內署諸服御珍膳靡麗難成

之物太官今周官也秩千石典天子廚膳導

官掌擇御采導擇也尚方掌作御刀劍

諸器物內署掌內府衣物丁卯詔曰徒大司

秩皆六百石並見續漢書

農長樂少府曰朕以無德佐助統政夙夜經

營懼失厥哀思惟治道由近及遠先內後外

自建武之初以至于今八十餘年官人歲增

房御彌廣又宗室坐事没人者猶託名公族

甚可愍焉今悉免遣及掖庭宮人皆為庶民

以抒幽隔鬱滯之情抒舒也諸官府郡國王

侯家奴婢姓劉及疲癯羸老皆上其各務令

實悉秋七月庚寅勅司隸校尉部刺史秦有

史監諸郡漢興省之但遣丞相史分刺諸州

無有常官孝武帝初置刺史十三人秩六百

石成帝更為牧秩二千石建武十八年復為

刺史十二人各主一州其一州屬司隸校尉

諸州常以八月巡行所部郡國錄囚徒考殿

最初歲盡詣京都奏事中興但因計史見續

漢書曰夫天降灾戾應政而至聞者郡國或有

水灾妨害秋稼朝廷惟咎憂惶悼懼而郡國

欲獲豐穰虛飾之譽遂覆蔽灾害多張墾田

不揣流亡揣音初競增戶口掩匿盜賊令姦

委反

惡無懲署用非次選舉乖宜貪苛慘毒延及

平民平民謂善人也刺史垂頭塞耳阿私下

比不畏于天不愧于人詩小雅也假貸之恩不可

數恃自今以後將糾其罰二千石長吏其各

實覈所傷害為除田租芻橐八月辛亥帝崩

癸丑殯于崇德前殿年二歲

贊曰孝和沉烈率由前則王赫自中賜命疆

慝慝惡也謂誅實憲等抑沒祥符登顯時德謂用鄧彪

殤世何早平原弗克平原王勝以固疾不得立也左傳曰弗克負荷

劉放曰紀書孝和葬慎陵章懷注云俗本

作順陵者誤臣攷案皇后紀和熹皇后合

葬順陵以為皇后紀誤而靈帝父孝仁皇

稱慎陵世數不遠陵名必不相襲參校前

後孝和實葬順陵言慎乃更為誤耳疑此

亦非章懷之失蓋傳寫誤以順為慎亦因

以慎為順耳

孝和帝紀第四

張稟王釐校正

安帝紀第五

安帝紀第五 范曄 後漢書五

恭宗孝安皇帝諱祐謚法曰寬容和平曰安伏侯古今注曰祐之字

曰肅宗孫也父清河孝王慶母左姬帝自在

邸第倉頡篇曰邸舍也說文云屬國之舍數也前書音義曰第謂有甲乙之次第數

有神光照室又有赤蛇盤於牀第之閒第牀簀也

年十歲好學史書史書者周宣王太史籀所

以教童幼和帝稱之數見禁中延平元年慶始就

國鄧太后特詔留帝清河邸八月殤帝崩太

后與兄車騎將軍鄧騭定策禁中其夜使騭

持節以王青蓋車迎帝齋于殿中續漢志曰皇太后皇

子皆安車朱班輪青蓋金華蚤皇子為王錫以乘之故曰王青蓋車皇孫則綠車

太后御崇德殿百官皆吉服洛陽南宮有崇德殿不可以凶

事臨朝故群臣陪位引拜帝為長安侯不即吉服也

天子而討侯者不欲從微即登皇位皇太后詔曰先帝聖德淑

茂早棄天下朕奉皇帝夙夜瞻仰日月冀望

成就豈意卒然顛沛天年不遂悲痛斷心朕

惟平原王素被痼疾念宗廟之重思繼嗣之

統唯長安侯祐質性忠孝小心翼翼翼翼敬慎也詩

曰惟此文王能通詩論篤學樂古仁惠愛下

小心翼翼年已十三有成人之志親德係後莫宜於祐

係即禮昆弟之子猶已子禮記檀弓之文春秋之義

為人後者為之子不以父命辭王父命為人後者

謂出繼於人也王父謂祖也穀梁傳曰衛靈公廢太子蒯聩立孫輒不受父之命而受之

王父其以祐為孝和皇帝嗣奉承祖宗案禮

儀奏又作策命曰惟延平元年秋八月癸丑

皇太后曰咨長安侯祐孝和皇帝懿德巍巍

光于四海大行皇帝不永天年前書音義曰禮有大行人

有小行人主謚號官也韋昭云大行者不反之辭也天子崩未有謚故稱大行也穀梁傳曰大行受大名風俗通曰天子崩崩未有謚故且稱大行皇帝義兩通朕惟侯

孝章皇帝世嫡皇孫謙恭慈順在孺而勤幼孺也或作在孺李勤宜奉郊廟承統大業今以侯嗣孝和皇帝後其審君漢國允執其中一人有慶萬民賴之皇帝其勉之哉讀策畢太尉奉上璽綬即皇帝位年十三太后猶臨朝公羊傳曰猶者可止之九月庚子謁高廟辛丑謁光武廟六州大水已未遣謁者分行虛實舉灾害賑乏

絕丙寅葬孝殤皇帝于康陵陵在墳陵塋中庚地高五丈五

尺闊二百八步乙亥隕石于陳留西域諸國叛攻都

護任尚遣副校尉梁懂救尚擊破之懂音冬

十月四列大水雨雹詔以宿麥不下宿舊也麥必經

故穞宿賑賜貧人十二月甲子清河王薨使

司空持節弔祭車騎將軍鄧騭護喪事乙酉

罷魚龍曼延百戲漢官典職曰作九賓樂舍利之獸從西方來戲於庭

入前殿激水化成比目魚嗽水作霧化成黃龍長八丈出水邀戲於庭炫耀日光曼延者獸名也張衡西京賦所云巨獸百尋是為曼延音以戰反

永初元年春正月癸酉朔大赦天下蜀郡徼

外羌內屬東觀記曰徼外羌龍戊寅分捷為

南郡為屬國都尉稟司隸充豫徐冀并州貧

民司隸領河南河內河東弘農二月丙午以

廣成游獵地廣成苑名在汝州西及被灾郡國公田假

與貧民丁卯分清河國封帝弟常保為廣川

王廣川縣屬信都國故城在今冀州秦疆縣東北庚午司徒梁鮪薨

三月癸酉日有食之詔公卿內外眾官郡國

守相舉賢良方正有道術之士明政術達古

今能直言極諫者各一人巳卯永昌徼外僬

僥種夷貢獻內屬甲申葬清河孝王贈龍旗

虎賁夏五月甲戌長樂衛尉魯恭為司徒前

曰衛尉秦官掌宮門衛也長樂建章其

丁丑詔封北海王睦孫壽光侯普為北海王

九真徼外夜郎蠻夷舉土內屬九真郡名今愛州縣六

月戊申爵皇太后母陰氏為新野君丁巳河

東地陷壬戌罷西域都護先零種羌叛斷隴

道大為寇掠遣車騎將軍鄧騭征西校尉任

尚討之丁卯赦除諸羌相連結謀叛逆者罪
秋九月庚午詔三公明申舊令禁奢侈無作
浮巧之物殫財厚葬是日太尉徐防免以災異屢
見也辛未司空尹勤免以水雨漂流也癸酉調揚州五
郡租米五郡謂九江丹陽廬江吳郡豫章也揚州領六郡會稽最遠蓋不調也
贍給東郡濟陰陳留梁國下邳山陽丁丑詔
曰自今長吏被考竟未報考謂考問其狀也報謂斷決也自
非父母喪無故輒去職者劇縣十歲平縣五
歲以上乃得次用壬午詔太僕少府減黃門

鼓吹以補羽林士

漢官儀曰黃門鼓吹百四十五人羽林左監主羽林

八百人右監主九百人

廐馬非乘輿常所御者皆減半

食

乘輿天子所乘車輿也不敢存諸所造作

非供宗廟園陵之用皆且止丙戌詔死罪以

下及亡命贖各有差庚寅太傅張禹為太尉

太常周章為司空

漢官儀曰章字次叔荊州隨縣人也冬十月

倭國遣使奉獻

倭國去樂浪萬二千里男子黥面文身以其文左右大小

別尊卑之差見本傳

辛酉新城山泉水大出

東觀記曰突壞人田

水深三丈十一月丁亥司空周章密謀廢立策免

自殺戊子勅司隸校尉冀并二州刺史民訛
言相驚奔捐舊居老弱相攜窮困道路其各
勅所部長吏躬親曉諭若欲歸本郡在所為
封長檄不欲勿強封謂印封之也長檄猶今
牒為驗強長牒也欲歸者皆給以長
牒音其兩反十二月乙卯潁川太守張敏為司
空是歲郡國十八地震四十一雨水或山水
暴至二十八風雨雹

二年春正月稟河南下邳東萊河內貧民古

註日時州郡大飢米石二
牛人相食老弱相弃道路車騎大將軍鄧騭

為種羌所敗於冀西續漢書曰種羌九千餘
戶在隴西臨洮谷冀縣

屬天水郡也。劉攽曰正文案官無車騎
大將軍者明大字衍騰後乃為大將軍耳二

月乙丑遣光祿大夫樊準呂倉分行冀兗二

州稟貸流民夏四月甲寅漢陽城中火燒殺

三千五百七十人五月旱丙寅皇太后幸洛

陽寺及若盧獄錄囚徒賜河南尹廷尉卿及

官屬以下各有差即日降雨六月京師及郡

國四十大水大風雨雹東觀記曰雹大如芋
魁鷄子風拔樹發屋

秋七月戊辰詔曰昔在帝王承天理民莫不

據璇璣以齊七政也孔安國尚書注曰璇璣王

者正天文之器也七政日月五星各異其改制即今之渾儀朕以不德遵

奉六業而陰陽差越變異並見萬民饑流荒

貊叛矣夙夜克已憂心京京詩小雅曰憂心

京憂也閒令公卿郡國舉賢良方正遠求博選

開不諱之路冀得至謀以鑒不逮而所封皆

循尚淳言無卓爾異聞卓爾高遠之兒也論語曰如有所立卓爾

其百僚及郡國吏人劉攽曰案此不成文理當有一令字有

道術明習灾異陰陽之度璇璣之數者各

使指變以聞二千石長吏明以詔書博行幽

隱衍猶引也朕將親覽待以不次冀獲嘉謀以承

天誠閏月辛丑廣川王常保薨無子國除癸

未蜀郡徵外羌舉士內屬東觀記曰徵外羌薄申等八種舉衆

降九月庚子詔王主官屬墨綬下至即謁者

續漢書曰王國有中大夫秩比六百石謁者比四百石即中二百石○劉攽曰正文案二

漢諸侯王未嘗有主稱蓋是國字前書多言

或謂主指公主案公主但有字作國無疑也

又此詔文但言國相移名其非公主明矣或

者傳寫見後有王其經明任博士居鄉里有

廉清孝順之稱才任理人者國相歲移名與
計偕上尚書公府通調令得外補移書也冬
調選也

十月庚寅稟濟陰山陽玄菟貧民征西校尉

任尚與先零羌戰于平襄尚軍敗績平襄縣
屬天水

郡故襄
戎邑也十一月辛酉拜鄧騭為大將軍徵還

京師留任尚屯隴右先零羌滇零稱天子於

北地滇零羌名
音丁田反遂寇三輔東犯趙魏南入益

州殺漢中太守董炳十二月辛卯稟東郡鉅

鹿廣陽安定定襄沛國貧民廣漢塞外參狼

羌降分廣漢北部為屬國都尉是歲郡國十

二地震

三年春正月庚子皇帝加元服元服謂加冠
也上冠禮曰

令月吉辰加爾元
服鄭玄云元首也大赦天下賜王主貴人公

卿以下金帛各有差男子為父後及三老孝

悌力田爵人二級流民欲占者人一級遣騎

都尉任仁討先零羌不利羌遂破沒臨洮縣
名

屬隴
西郡高句驪遣使貢獻三月京師大饑民相

食壬辰公卿詣闕謝詔曰朕以幼冲奉承鴻

業不能宣流風化而感逆陰陽至今百姓饑荒更相噉食永懷悼歎若墜淵水咎在朕躬

非群司之責而過自貶引重朝廷之不德引

謂貶損引過也其務思變復以助不逮癸巳重音直用反

詔以鴻池假與貧民續漢書曰鴻池在洛陽東二十里假借也令得

漁采壬寅司徒魯恭免夏四月丙寅大鴻臚

九江夏勤為司徒勤字伯宗壽春人也三公以國用不

足奏令吏人入錢穀得為關內侯虎賁羽林

郎五大夫官府吏緹騎營士各有差續漢志曰執金

吾緹騎二百人緹赤黃色營士謂五校營士

也漢官儀曰屯騎越騎步兵射聲各領士七

百人長水領士千三百六十七人也己巳詔上林廣城苑可墾

關者賦與貧民甲申清河王虎威薨五月丙

申封樂安王寵子延平為清河王丁酉沛王

正薨癸丑京師大風六月烏桓寇代郡上谷

涿郡秋七月海賊張伯路等寇略緣海九郡

遣侍御史龐雄督州郡兵討破之庚子詔長

吏察行在所皆令種宿麥蔬食務盡地力其

貧者給種餉九月鴈門烏桓及鮮卑叛敗五

原郡兵於高渠谷

東觀記曰戰九原高渠谷渠梁相類必有誤也

冬

十月南單于叛圍中郎將耿仲於美稷十一

月遣行車騎將軍何熙討之

劉敞曰案文少一事字

十

二月辛酉郡國九地震乙亥有星孛于天苑

天苑星名

是歲京師及郡國四十一雨水雹

續漢書曰

雁子也并涼二州大飢人相食

音名

四年春正月元日會徹樂不陳充庭車

每大朝會

必陳乘輿法物車輦於庭故曰充庭車也以年飢故不陳辛卯詔以三輔

比遭寇亂入庶流冗除三年逋租過更口筭

芻橐

前書音義曰天下人皆戍邊三日不可入人自行行者自戍三日不可往復還

因便住一歲諸不行者出錢三百入官官以給戍者言過其本更之日故曰過更又曰入

年十五至五十六出賦錢人百二十為一筭也稟上郡貧民各有差

海賊張伯路復與勃海平原劇賊劉文河周

文光等攻厭次殺縣令遣御史中丞王宗督

青州刺史法雄討破之度遼將軍梁懂遼東

太守耿夔討破南單于於屬國故城丙午詔

減百官及州郡縣奉各有差二月丁巳稟九

江貧民南匈奴寇常山乙丑初置長安雍二

營都尉官

漢官儀曰京兆虎牙扶風都尉以涼州近羌數犯三輔將兵衛護園

陵扶風都尉居雍縣故俗人稱雍營焉西羌傳云虎牙都尉居長安乙亥詔自

建初以來諸祿言它適坐徙邊者各歸本郡

其没入官為奴婢者免為庶人詔謁者劉珍

及五經博士校定東觀五經諸子傳記百家

藝術整齊脫誤是正文字洛陽宮殿名曰南宮有東觀前書曰

九諸子百六十九家言百家舉全數也三月南單于降先零羌

寇襄中縣名屬漢中郡今梁州襄城縣漢中太守鄭勤戰歿

徙金城郡都襄武襄武縣名屬隴西郡今渭川縣戊子杜陵

園火癸巳郡國九地震夏四月六州蝗

東觀記曰

司隸豫兗徐青冀六州

丁丑大赦天下秋七月乙酉三

郡大水已卯騎都尉任仁下獄死九月甲申

益州郡地震冬十月甲戌新野君陰氏薨

東觀

記曰新野君薨贈以玄玉赤紋賻錢三十萬布三萬匹

使司空持節護

喪事大將軍鄧騭罷

五年春正月庚辰朔日有食之丙戌郡國十

地震已丑太尉張禹免甲申光祿勳李脩為

太尉漢官儀曰脩字伯游豫州襄城人也二月丁卯詔省減郡

國貢獻太官口食先零羌寇河東遂至河內

三月詔隴西徙襄武安定徙美陽安定郡今涇州也

陽縣故城在今武功縣北北地徙池陽北地郡今寧州也

今武功縣北上郡徙衙上郡今綏州衙縣故城在今涇陽縣故城

北地郡今寧州也北也日秦晉戰于彭衙即此也夫餘夷犯塞殺傷吏人閏月丁

酉赦涼州河西四郡戊戌詔曰朕以不德奉

郊廟承大業不能興和降善為人祈福災異

蜂起寇賊縱橫夷狄猾夏猾亂也夏戎事不

息百姓匱乏疲於徵發重於蝗蟲滋生害及

詩大雅思得忠良正直之臣以輔不逮其

成麥秋稼方收甚可悼也朕以不明統理失

中亦未獲忠良以毗闕政傳曰顛而不扶危

而不持則將焉用彼相矣公卿大夫將何以

匡救濟斯艱危承天誡哉蓋為政之本莫若

得人寢賢顯善聖制所先濟濟多士文王以

寧詩大雅思得忠良正直之臣以輔不逮其令三公特進侯中二千石二千石郡守諸侯

相舉賢良方正有道術達於政化能直言極

諫之士各一人及至孝行與眾卓異者并遣

詣公車朕將親覽焉六月甲辰樂成王巡薨
秋七月己巳詔三公特進九卿校尉九卿奉

衛尉太僕鴻臚廷尉少府宗正司農校尉謂

城門屯騎越騎步兵長水胡騎等。劉放曰

注胡騎字誤當作射聲上舉列將子孫明

戰陣任將帥者九月漢陽人杜琦王信叛東

記曰琦自稱安漢將軍與先零諸種羌攻陷上邽城十

二月漢陽太守趙博遣客刺殺杜琦東觀記

故吏杜習是歲九列蝗郡國八雨水不

六年春正月庚申詔越雋置長吏高望始昌

三苑又令益州郡置萬歲苑捷為郡名前書音義曰故夜郎國置漢平苑

也故城在今眉州隆山縣西北也三月十列

蝗夏四月乙丑司空張敏罷己卯太常劉凱

為司空五月旱丙寅詔令中二千石下至黃

綬一切復秩還贖賜爵各有差戊辰皇太后

幸雒陽寺錄囚徒理冤獄六月壬辰豫章負

谿原山崩負谿辛巳大赦天下遣侍御史唐

喜討漢陽賊王信破斬之續漢志曰傳信首

外冬十一月辛丑護烏桓校尉吳祉下獄死

是歲先零羌滇零死子零昌復襲偽號

七年春正月庚戌皇太后率大臣命婦謁宗

廟喪服傳曰命夫者其男子之為大夫也命婦者其大夫之妻也臣賢案東觀續漢表

崧謝沈書古今注皆云六年正月甲寅謁宗廟此云七年庚戌疑紀誤也二月

丙午郡國十八地震夏四月乙未平原王勝

薨丙申晦日有食之五月庚子京師大雩左傳

曰龍見而雩杜預注云謂建巳之月龍星角元見東方雩遠也遠為百穀求膏雨周禮司

巫職曰若國大旱則帥巫而舞雩鄭玄注云雩吁也嗟而求雨秋護羌校尉

侯霸騎都尉馬賢破先零羌八月丙寅京師

大風蝗蟲飛過洛陽詔賜民爵郡國被蝗傷

稼十五以上勿收今年田租不滿者以實除

之九月調零陵桂陽丹陽豫章會稽租米零陵

郡名今永州縣也丹陽郡名今潤州江寧縣也餘並見上賑給南陽廣陵

下邳彭城山陽廬江九江飢民又調濱水縣

穀輸敖倉詩曰搏狩于敖即此也秦於北築太倉亦曰敖庚在今冀州滎陽縣

西北東觀記曰濱水縣彭城廣陽廬江九江穀九千萬斛送敖倉

元初元年春正月甲子改元元初賜民爵人

二級孝悌力田人三級爵過公乘得祿與子

若同產同產子民脫無名數及流民欲占者
人一級鰥寡孤獨篤癯貧不能自存者穀入

三斛負婦帛人一匹二月巳卯日南地圻東觀

記曰圻長百八十二里廣五十六里三月癸酉日有食之夏四

月丁酉大赦天下京師及郡國五旱蝗詔三

公特進列侯中二千石二千石郡守舉敦厚

質直者各一人五月先零羌寇雍城六月丁

巳河東地陷秋七月蜀郡夷寇蠶陵殺縣令

蠶陵縣屬蜀郡故城在今翼州翼水縣西有蠶陵山因以為名焉九月乙丑

太尉李脩罷先零羌寇武都漢中絕隴道辛

未大司農山陽司馬苞為太尉謝承書曰苞字仲成東緡

也冬十月戊子朔日有食之先零羌敗涼州

刺史皮陽於狄道乙卯詔除三輔三歲田租

更賦口筭解見光武紀也十一月是歲郡國十五地

震

二年春正月詔稟三輔及并涼六郡流冗貧

人蜀郡青衣道夷奉獻內屬青衣道縣名在大江青衣二水

之會今嘉州龍遊縣也東觀修理西門豹所

記曰青衣蠻夷堂律等歸義

分漳水為支渠以溉民田

史記曰西門豹為

渠引水灌田所鑿之渠

在今相州鄴縣西也二月戊戌遣中謁者

收葬京師客死無家屬及棺槨朽敗者皆為

設祭其有家屬尤貧無以葬者賜錢人五千

辛酉詔三輔河內河東上黨趙國太原各修

理舊渠通利水道以溉公私田疇

疇前書音義曰幾田曰

三月癸亥京師大風先零羌寇益列遣中

郎將尹就討之夏四月丙午立貴人閻氏為

皇后五月京師旱河南及郡國十九蝗甲戌

詔曰朝廷不明庶事失中灾異不息憂心惶

懼被蝗以來七年于茲而列郡隱匿裁言頃

畝裁與纜同古字通

今群飛蔽天為害廣遠所言所

見寧相副邪三司之職內外是監既不奏聞

又無舉正天灾至重欺罔臯大今方盛夏且

復假貸以觀厥後

假貸猶寬容也盛夏不可不加刑罰故且寬容

其

務消救灾告安輯黎元六月丙戌太尉司馬

苞薨

謝承書曰苞為太尉常食麤糲飯著布衣

所譜連及苞苞乞骸骨未見聽以疾薨也

洛陽新城地震裂秋七

月辛巳太僕太山馬英為太尉英字文思兗州蓋縣人也

八月遼東鮮卑圍無慮縣屬遼東郡無音問有醫無問山因以

焉為名九月又攻夫犁營殺縣令夫犁縣名屬遼東屬國

壬午晦日有食之冬十月遣中郎將任尚屯

三輔詔郡國中郎官繫囚減死一等勿答詣

馮翊扶風屯妻子自隨占著所在女子勿輸不輸作也

盜賊有悔者除其罪乙未右扶風仲光安定

太守杜恢京兆虎牙都尉耿溥與先零羌戰

於丁奚城東觀記曰至北地靈州丁奚城也光等大敗並沒

左馮翊司馬鈞下獄自殺東觀記曰安定太守杜恢與鈞等并

威擊羌恢乘勝深入為虜所害鈞擁兵不救收鈞下獄也十一月庚申郡

國十地震十二月武陵澧中蠻叛州郡擊破

之東觀記曰蠻田山高少等攻城殺長吏州郡募五里蠻夷六亭兵追擊山等皆降賜

五里六亭渠率金帛各有差已酉司徒夏勤罷庚戌司空

劉愷為司徒光祿勳袁敞為司空

三年春正月甲戌修理太原舊溝渠溉灌官

私田鄴元水經曰昔智伯過晉水以灌晉陽後人踵其遺跡蓄以為沼分為三派北

瀆即智氏故渠也其瀆乘高東北注入晉陽城以溉灌東南出城注於汾水今所修溝渠即謂此

東平陸上言木連理東平陸縣名古國今充州平陸縣也序例曰九瑞應自和帝以上政事多美近於有實故書見於某處自安帝以下王道衰缺容或虛飾故書某處上言也蒼梧鬱林合浦蠻夷

反叛蒼梧郡今梧州縣也合浦郡今廉州縣也二月遣待御史任

連督列郡兵討之連音丁角反郡國十地震三月

辛亥日有食之丙辰赦蒼梧鬱林合浦南海吏人為賊所迫者夏四月京師旱五月武陵

蠻復叛州郡討破之癸酉度遼將軍鄧遵率

南匈奴擊先零羌於靈州破之靈州縣名屬北地郡故城

在今慶州馬領縣西北越雋徼外夷舉種內屬六月中

即將任尚遣兵擊破先零羌於丁奚城秋七月武陵蠻復叛州郡討平之緱氏地圻九月

辛巳趙王宏薨冬十一月蒼梧鬱林合浦蠻夷降丙戌初聽大臣二千石刺史行三年喪

文帝遺詔以日易月於後大臣遂以為常至此復遵古制也癸卯郡國九

地震十二月丁巳任尚遣兵擊破先零羌於

北地

四年春二月乙巳朔日有食之乙卯大赦天

下壬戌武庫灾夏四月戊申司空袁敞薨已

巳鮮卑寇遼西遼西郡兵與烏桓擊破之遼西

郡故城在今平五月丁丑太常李郃為司空

六月戊辰三郡雨雹秋七月辛丑陳王鈞薨

京師及郡國十雨水詔曰今年秋稼茂好垂

可收穫而連雨未霽霽雨止也懼必淹傷多惕惟

憂思念厥咎夫霖雨者人怨之所致左傳曰

日以上為霖京房別對灾其武吏以威暴下異日人勞怨苦雨水絕道

文吏妄行苛刻鄉吏因公生姦為百姓所患

苦者有司顯明其罰又月令仲秋養衰老授

几杖行糜粥鄭玄注云助老方今案比之時

東觀記曰方今八月案比之時謂案驗戶口次比之也郡縣多不奉行

雖有糜粥糠粃相半長吏急事莫有躬親甚

違詔書養老之意其務崇仁恕賑護寡獨稱

朕意焉九月護羌校尉任尚使客刺殺叛羌

零昌冬十一月己卯彭城王恭薨十二月越

雋夷寇遂又殺縣令遂又縣屬甲子任尚及

騎都尉馬賢與先零羌戰于富平上河大破

之富平縣屬北地郡故城在今靈州回樂縣西南鄯元水經注曰河水於此有上河之名

也名虔人羌率眾降虔人羌號也東觀記曰虔人種羌大豪恬狼等詣度

遼將隴右平是歲郡國十三地震

五年春正月越嶲夷叛二月壬戌中山王憲

薨三月京師及郡國五旱詔稟遭旱貧人夏

六月高句驪與穢貊寇玄菟郡名在遼東秋七月

越嶲蠻夷及旄牛豪叛殺長吏旄牛係屬蜀郡華陽國志

日在卯來丙子詔曰舊令制度各有科品漢山表也

今欲令百姓務崇節約遭永初之際入離荒

危朝廷躬自菲薄去絕奢飾食不兼味衣無

二綵比年雖獲豐穰尚乏儲積而小人無慮

不圖久長嫁娶送終紛華靡麗至有走卒奴

婢被綺縠著珠璣綺文縵縠紗也珠璣不圓者也京師尚若

斯何以示四遠設張法禁懇惻分明而有司

脩任訖不奉行秋節既立鷩鳥將用鷩鳥鷹屬

也廣雅曰鷩執也以其能服執衆鳥月令孟秋鷹乃祭鳥始用行戮言有司怠惰不遵法

令將欲糾其罪順秋行且復重申以觀後效誅同鷹鷩之鷩擊也

八月丙申朔日有食之鮮卑寇代郡殺長吏
冬十月鮮卑寇上谷十二月丁巳中郎將任
尚有鼻奔市是歲郡國十四地震
六年春二月乙巳京師及郡國四十二地震
或圻裂水泉涌出壬子詔三府選掾屬高第
能惠利牧養者各五人光祿勳與中郎將選
孝廉郎寬博有謀清白行高者五十人出補
令長丞尉乙卯詔曰夫政先京師後諸夏月
令仲春養幼小存諸孤季春賜貧窮賑乏絕

省婦使表貞女所以順陽氣崇生長也

鄭玄云婦

使謂組

糾之事其賜入充貧困孤弱單獨穀人三斛

貞婦有節義十斛甄表門閭旌顯厥行

節謂志操

義謂推讓甄明旌章也里門謂

之間旌表者若今樹闕而顯之三月庚辰始

立六宗祀於洛城西北

續漢志曰元初六年以尚書尉陽家說謂

六宗者在天地四方之中為上下四方之宗以元始中故事謂六宗易六子之氣日月雷公風伯山澤者非也乃更六宗祠於戊亥之地禮比大社也夏四月會稽

大疫遣光祿大夫將太醫循行疾病賜棺木

漢官儀太醫令一人秩六百石除田租口賦沛國勃海大風

雨雹五月京師旱六月丁丑樂成王賓薨丙

戌平原王得薨秋七月鮮卑寇馬城搜神記曰昔秦

人築城於此周塞以備胡將城而崩者數矣有馬馳走周旋反覆父老異之因依以築城

城乃不崩遂以名焉其故城今在朔州也度遼將軍鄧遵率南單

于擊破之九月癸巳陳王竦薨十二月戊午

朔日有食之既郡國八地震是歲永昌益列

蜀郡夷叛與越雋夷殺長吏燔城邑益州刺

史張喬討破降之食山記云蜀人三

永寧元年春正月甲辰任城王安薨三月丁

酉濟北王壽薨車師後王叛殺部司馬沈氏

羌寇張掖沈氏羌號也續漢志曰羌在上郡西河者號沈氏也夏四月

丙寅立皇子保為皇太子改元永寧大赦天

下賜王主三公列侯下至郎吏從官金帛又

賜民爵及布粟各有差己巳紹封陳王羨子

崇為陳王濟北王子萇為樂成王河閒王子

翼為平原王壬午琅邪王壽薨六月沉氏種

羌叛寇張掖護羌校尉馬賢討沉氏羌破之

秋七月乙酉朔日有食之冬十月己巳司空

李邵免癸酉衛尉廬江陳寔為司空寔字伯仁舒縣人

也自三月至是月京師及郡國三十三大風

雨水十二月末昌徼外揮國遣使貢獻揮音擅

戊辰司徒劉愷罷遼西鮮卑降癸酉太常楊

震為司徒是歲郡國二十三地震夫餘王遣

子詣闕貢獻燒當羌叛

建光元年春正月幽列刺史馮煥率二郡太

守討高句驪穢貊不克二月癸亥大赦天下

賜諸園貴人謂宮人無子也王主公卿以下錢

布各有差以公卿校尉尚書子弟一人為郎

舍人三月癸巳皇太后鄧氏崩丙午葬和熹

皇后丁未樂安王寵薨戊申追尊皇考清河

孝王曰孝德皇皇妣左氏曰孝德皇后祖妣

宋貴人曰敬隱皇后夏四月穢貊復與鮮卑

寇遼東遼東太守蔡諷追擊戰歿丙辰以廣

川并清河國丁巳尊孝德皇元妃耿氏為甘

陵太貴人甘陵孝德皇后之陵也因以甲子

樂成王萑有罪廢為臨湖侯續漢書曰坐輕慢不孝故貶臨

湖縣名屬廬江郡也。已巳令公卿特進侯中二千石二

千石郡國守相舉有道之士各一人賜鰥寡

孤獨貧不能自存者穀人三斛甲戌遼東屬

國都尉龐奮承偽璽書殺玄菟太守姚光五

月庚申特進鄧騭及度遼將軍鄧遵並以譖

自殺乳母王聖與中黃門李閏等誣告尚書

自殺鄧訪等謀廢立宗族皆免官騭與遵皆丙申貶平原王翼為都鄉侯秋七月己卯

改元建光大赦天下壬寅太尉馬英薨八月

護羌校尉馬賢討燒當羌於金城不利甲子

前司徒劉愷為太尉鮮卑寇居庸關九月雲

中太守成嚴擊之戰歿鮮卑圍烏桓校尉於

馬城度遼將軍耿夔救之戊子幸衛尉馮石

府續漢書曰賜賞寶劔玉玦雜繒布等。是

秋京師及郡國二十九雨水冬十一月己丑

郡國三十五地震或圻裂詔三公已下各上

封事陳得失遣光祿大夫案行賜死者錢人

二千除今年田租其被災甚者勿收口賦鮮

卑寇玄菟庚子復斷大臣二千石以上服三

年喪癸卯詔三公特進侯卿校尉舉武猛堪
將帥者各五人丙午詔京師及郡國被水雨
傷稼者隨頃畝減田租中子初置漁陽營兵
伏侯古今注曰置營兵今人也冬十二月高句驪馬韓穢貊
圍玄菟城夫餘王遣子與列郡并力討破之
延光元年春二月夫餘王遣子將兵救玄菟
夫餘王子擊高句驪馬韓穢貊破之遂遣使
尉仇台也貢獻三月丙午改元延光夫赦天下還徙者
復戶邑屬籍賜民爵及三老孝悌力田人二

級加賜鰥寡孤獨篤癯貧不能自存者粟人

三斛貞婦帛人二匹夏四月癸未京師郡國

二十一雨雹癸巳司空陳寔免五月庚戌宗

正彭城劉授為司空漢官儀曰宗正卿秩中二千石授字孟春徐川

武原人也已巳改樂成國為安平封河間王開子

得為安平王六月郡國蝗秋七月癸卯京師

及郡國十三地震高句驪降虜入羌叛攻穀

羅城殺羅屬西河郡度遼將軍耿夔討破之八月戊

子陽陵園寢火景帝陵也辛卯九真言黃龍見無

功無功縣屬已亥詔三公中二千石舉刺史

二千石令長相視事一歲已上至十歲清白

愛利能勅身率下防姦理煩有益於人者無

拘官薄清白謂真正也愛利謂愛入而利之也無拘官薄謂受超迁之不拘常牒

也○劉放曰注刺史舉所部郡國太守相舉

墨綬隱親采心勿取浮華墨綬謂令長之屬也隱親猶親自隱

也悉盡也言令三公以下各舉所知皆隱審盡心勿取浮華不實者九月甲戌

郡國二十七地震冬十月鮮卑寇鴈門定襄

十一月鮮卑寇太原燒當羌豪降十二月九

真徼外蠻夷貢獻內屬是歲京師及郡國二

十七雨水大風殺人詔賜歷溺死者年七歲

以上錢入二千其壞敗廬舍失亡穀食粟入

三斛又田被淹蕩者一切勿收田租若一家

皆被災害而弱小存者郡縣為收斂之虔人

羌反攻穀羅城度遼將軍耿夔討破之

二年春正月旄牛夷叛寇靈關殺縣令靈關道屬

益列刺史蜀郡西部都尉討之詔選三署郎三署解見和帝紀及吏人能通古文尚書毛詩

穀梁春秋各一人丙辰河東潁川大風夏六

月壬午郡國十一大風九真言嘉禾生東觀

禾百五十六本七百六十八穗丙申北海王普薨秋七月丹

陽山崩八月庚午初令三署郎通達經術任

牧民者視事三歲以上皆得察舉九月郡國

五雨水冬十月辛未太尉劉愷罷甲戌司徒

楊震為太尉光祿勳東萊劉熹為司徒熹字

青州長十一月甲辰校獵於上林苑鮮卑敗

南匈奴於曼柏是歲分蜀郡西部為屬國都

尉京師及郡國三地震

三年春二月丙子東巡狩丁丑告陳留太守

祠南頓君光武皇帝于濟陽復濟陽今年田

租芻橐庚寅遣使者祠唐堯於成陽古成伯

城在今濮州雷澤縣北述戊子濟南上言鳳

皇集臺縣丞霍牧舍樹上臺縣屬濟南郡故

北縣賜臺長帛五十四匹丞三十四匹尉半之吏卒

入三匹鳳皇所過亭郡燕出今年田租賜男

子爵人二級辛卯幸太山柴告岱宗泰山王

之處為五岳之宗故齊王無忌北海王普樂

日齊宗燔柴以告天安王延來朝壬辰宗祀五帝于汶上明堂癸

巳告祀二祖六宗二祖高祖光武也六宗謂

孝宣日中宗孝元日高宗勞賜郡縣作樂三

孝明日顯宗孝章日肅宗月甲午陳王崇薨戊戌祀孔子及七十二弟

子於闕里自魯相令丞尉及孔氏親屬婦女

諸生悉會賜褰成侯以下帛各有差還幸東

平至東郡歷魏郡河內壬戌車駕還京師幸

太學是日太尉楊震免夏四月乙丑車駕入

宮假于祖禰殿音格壬戌沛國言甘露降豐

縣戊辰光祿勳馮石為太尉五月南匈奴左

日逐王叛使匈奴中郎將馬翼討破之日南

徼外蠻夷內屬六月鮮卑寇玄菟庚午閬中

山崩閬中縣屬巴郡臨閬中水辛未扶風言

白鹿見雍辛巳遣侍御史分行青冀二州灾

害督錄盜賊秋七月丁酉初復右校令左校

丞官續漢志日將作大匠屬官有左右日南

徼外蠻豪帥詣闕貢獻馮翊言甘露降頻陽

循類陽縣故城在今雍州穎川上言木連理

白鹿麒麟見陽翟鮮卑寇高柳梁王堅薨明帝

孫節王暢之子也八月辛巳大鴻臚耿寶為大將軍

戊子穎川上言麒麟一白虎二見陽翟九月

丁酉廢皇太子保為濟陞王常侍江京等譖之也乙巳

詔郡國中都官死臯繫囚減罪一等詔敦煌

隴西及度遼營漢官儀曰度遼將軍屯五原

辛亥濟南上言黃龍見歷城歷城縣屬濟南

庚申晦日有食之冬十月行幸長安壬午新

豐上言鳳皇集西界亭今新豐縣西南有鳳皇原俗傳云即此時

鳳皇所集之處也丁亥會三輔守令掾史於長安作

樂閏月乙未祠高廟遂有事十一陵歷觀上

林昆明池遣使者祠太上皇于萬年以中牢

祠蕭何曹參霍光十一月乙丑至自長安十

二月乙未琅邪言黃龍見諸縣諸縣名故城在今密州諸

城縣西南是歲京師及諸郡國二十三地震三十

六雨水疾風雨雹劉攽曰案文衍一諸字史文未嘗有如此者

四年春正月壬午東郡言黃龍二麒麟一見

濮陽

縣名屬東郡即古魏吾國帝顓頊之墟今濮州縣

二月乙亥下

邳王衍薨甲辰南巡狩三月戊午朔日有食

之庚申幸宛帝不豫辛酉令大將軍耿寶行

太尉事祠章陵園廟告長沙零陵太守祠定

王節侯鬱林府君乙丑自宛還丁卯幸葉帝

崩于乘輿年三十二祕不敢宣所在上食問

起居如故庚午還宮辛未及乃發喪尊皇后

為皇太后太后臨朝以后兄大鴻臚閻顯為

車騎將軍定策禁中立章帝孫濟北惠王壽

子北鄉侯

壹東觀記及續漢書並曰北鄉侯續今作懿蓋二名

甲戌

濟南王香薨

光武曾孫簡王錯之子也

乙酉北鄉侯即皇

帝位夏四月丁酉太尉馮石為太傅

石字次初荊州

湖陽人也馮勛之孫

司徒劉熹為太尉參錄尚書事前

司空李郃為司徒辛卯大將軍耿寶中常侍

樊豐侍中謝暉周廣乳母野王君王聖坐相

阿黨豐暉廣下獄死寶自殺聖徙鴈門己酉

葬孝安皇帝于恭陵

在今洛陽東北二十七里伏侯古今注曰陵山

周二百六十五文也 廟曰恭宗六月乙巳大赦天

下詔先帝巡狩所幸皆入今年田租秋七

月西域長史班勇西域都護之長史也擊車師後王斬

之丙午東海王肅薨冬十月丙午越雋山崩

辛亥少帝薨是冬京師大疫

論曰孝安雖稱尊享御而權歸鄧氏至乃損

徹膳服克念政道然令自房帷威不逮遠始

失根統歸成陵敝遂復計至授官永初元年

錢穀得至移民逃寇羌既轉盛詔隴西徙復

池陽推谷台衡以答天眷台謂三台三公象也

平伊尹為阿衡即其義也既云招婦亦惟家之索矣哲智

盡也謂鄧后專制國柄也詩曰哲夫成也索

贊曰安德不升糝我王度糝穀不成也論政

之詩曰思降奪儲嫡開萌邪蠹儲嫡謂太子

我王度馮石承歡楊公逢怒續漢志曰上賜衛

也京等馮石承歡楊公逢怒續漢志曰上賜衛

雜繒布等故曰承歡也楊公楊震逢怒謂樊

豐等譖震云有悲恨心帝免之劉放曰注

續漢志案前文作漢書今此彼日而微遂禋

亂政化陵遲漢祚衰微自此而始故言遂變天路也紀書殤帝葬康陵臣案前書平帝已名康陵不當重複章懷注云在慎陵塋中庚地庚與康相似但少許不同然檢續漢志亦作康陵又質帝年敘康陵在恭陵上郡是康字不知此字自章懷已前誤之耶或者後人傳寫一處誤之遂都改令同也然章懷注語則似作庚無疑

安帝紀第五

張王

鰲叟

校正

谷台... 谷天... 三... 三...

